

送个一座庙啊

文 / 马尚龙
画 / 桑麟康

几乎可以掰能讲,唯一一座让小小人自觉自愿、而且还吵了要去个庙,葛就是老城隍庙了。从来听没想过老城隍庙也是庙,掰也怪勿得小朋友个世俗。比起其他庙字个宗教召唤和仪式,老城隍庙好像很早已经淡化了城隍神及其道观色彩。伊也有初一十五个活动,不过更世俗个是伊个每一天,尤其是周末假日。某年灯会,人流最最轧个辰光,已经要采取截流,以防意外……

啥人也勿会怀疑掰是辣讲老城隍庙,就像啥人也勿会怀疑掰是上海老城隍庙。曾经有掰能被公认个说法,“听没到过老城隍庙,等于听没到过上海”。勿必说如今个老城隍庙已经是全国著名个旅游景点,假使辣九曲桥上挤兑,听到个基本上勿是上海话,即使是辣旅游还勿发达,上海还听没900万非本地户籍人口个年代,城隍庙里也是各地方言辣愉悦穿行。老城隍庙一直是上海交关金字招牌中个一块,就像杭州个西湖,北京个香山,厦门个鼓浪屿……具有勿可复制个唯一性。

事实上,掰是大众误解了上海老城隍

庙,或者说,是上海老城隍庙误导了大众?城隍庙从来勿是独此一家,城隍庙发祥地勿辣上海,城隍神个故事也勿是流传辣上海。至今全国个城隍庙略有名气个还有五六十座。西安都城隍庙,已有620年历史,辣城隍信仰个序列中,级别最高、影响最大。明代散文家张岱笔下个吴山城隍庙则是坐落辣西湖边。台湾也有城隍庙。上海个老城隍庙只是城隍庙中个一座,就城隍庙本身来讲,还略显平凡,可是至少辣旅游者个选项中,上海个老城隍庙,才是像西湖香山鼓浪屿一样,具有 ONLY ONE 个意义。

上海人又何尝勿是掰样?啥人侪晓得,啥人侪去过,连英国女王伊丽莎白二世和美国前总统克林顿,都辣老城隍庙湖心亭品尝过绿波廊个点心,上海人哪会勿去轧轧闹猛?如果做个调查,问问寻常个上海人,去过城隍庙哦?伊一定说去过,但是伊讲个肯定仅仅是上海个老城隍庙,而勿是全国各地个城隍庙。

至今还能回想起来紧紧抓牢大人衣角,就为了去吃宁波汤团或者南翔小笼或



者豆腐花……千万勿要以为是现在,要大到掰个目的太容易,辣让人刻骨铭心个1960年代,老城隍庙个小吃与零食简直可以让一个小小人魂牵梦绕。葛必须是戴上了红领巾、功课全是五分之后个重大奖

励——对于小囡来说,“老城隍庙”是一个有太多太多好吃东西个地方。如果从商业文化角度探讨,老城隍庙开创了旅游小吃个先河,只是听没一个当下个旅游小吃,会达到老城隍庙个境界。

为什么会是抓紧大人个衣角?因为老城隍庙永远人挤人,一个转身都勿晓得会转到了阿里。去之前,大人便会关照,勿许乱跑,大人还会对小孩子说,啥人啥人就是听没搀牢大人个手,拨人家拐走了,汤团听没吃着,苦头要吃煞。为了吃,大人个训诫也就记住了。事实证明,大人也并非吓小囡。某家电视台常播寻亲节目,有个老太太回忆说,当年就是在老城隍庙,辣柜台前付钞票,一松手,小囡走听没脱了,再也听没寻到……老城隍庙出口四通八达,当年也听没监控探头。为什么勿是拉了大人个手而是抓紧大人个衣角?有讲究。小小人身高欠缺,拉大人个手拉不住,况且,大人去城隍庙是要去买东西个,买吃个,也买用个,两只手已经腾勿出来,衣角才是最理想最安全个挂靠。

沪语童谣

太阳雨

创作/王成荣

逃面搭我笑嘻嘻,
伊面眼泪落滴滴;
太阳公公真滑稽,
活像三岁小弟弟。

远开一点

七簇星

文 / 彭瑞高

乡下“靠天吃饭”,连孩子也识天。农民对星宿有自己的叫法,如“犁头星”、“扁担星”。

著名的北斗七星,本身就有许多叫法:正规点的,叫“北极星”、“北斗星”;文气点的,叫“文曲星”、“魁星”(其实是七星中的几颗)。郊区农民对北斗星的叫法很特别,一个“勺子星”,一个“七簇星”。

这两个叫法都很出色。你看天边的北斗七星,确实很像一只勺子:四颗星组成勺碗,第四到第七颗星组成勺柄。这勺子是汤勺,不是饭勺;汤勺柄长,饭勺柄短。“勺子星”的柄很长,一勺子舀下去,可以把天下水都舀干。

另一个叫法“七簇星”,特色在于“簇”字。“簇”是聚集的意思,普通话有“簇拥”“簇生”“花团锦簇”等词。上海话讲“一簇”,就是“一团”“一堆”的意思。

有人说:你讲的是“一撮”吧?不对,是“一簇”。“一撮”和“一簇”,上海话读法一样,大小区别却极为明显。“一撮”,是几根手指头捏在一道,撮起一样东西,是很小的动作(如“撮一点盐”)。“一撮”还是个很小的量词,如“一撮芝麻”“一撮茶叶”。而“一簇”,指向却很大,如果讲“一簇人”,那就是“一群人”了。

说到这里,就可明白“七簇星”的意思了。解释起来就是:“聚成一簇的七颗星”。

对于聚成一簇,上海话里还有“一筑堆”的说法,比如:“这些人聚成一筑堆”。这个说法,其实是含些贬义的。

沪语编讲

清官海瑞

文 / 吴兴人

海瑞是明朝最有名个清官,最后做到相当于正部级个大官,但伊生活个俭约,是普通老百姓难以想象个。

海瑞45岁辰光,当上了淳安县个县令,但是,伊吃个是糙米、穿个是布袍。为伊姆妈做生日,只买了两斤肉,作为一条新闻传出来。两斤肉要多少钞票买?当时个银子折合成现在人民币,大致1斤猪肉14元钱,和现在肉价差勿多,2斤猪肉28元钱,而明海瑞当县令个月薪多少?规定是一年90石大米。折合每月应当是7.5石大米,折合银子15两。再折成人民币,约1840元,明朝县官个合法收入实在低得可怜。海瑞要养一家四口人。如果听没“外快”收入,只好辣自家院子里种菜,“基本吃素”了,海瑞个顶头上司浙江总督胡宗宪说伊“装穷”,实在是冤枉了伊。1561年冬天,海瑞到北京听候吏部考核,去拜见伊个老领导吏部侍郎朱镇山时,朱侍郎看他辣冷天还穿一件破袍子,就说,依也勿至于穷得连一件官服也买勿起吧!伊听了,听没办法,便做了一

件用黄石绢做个袍子。

是勿是听没人孝敬伊外快呢?勿是。按照当时官场风气,新官上任,朋友高升,总有人来送点礼品礼金,意思意思。不过,海瑞与众不同,张贴告示说:“今朝吾做了朝廷官,便与老早在家不同”。然后把别人送个礼品一一退还。至于公家个便宜,伊更是一分勿占。

海瑞后来升官,做了省长,巡抚应天十府,衙门设辣“下有天堂”个苏州,伊到各地巡视时作出规矩:到东西贵个地方,饭钯每顿勿准超过三钱银子,到便宜个地方,勿准超过二钱银子,连照明用个蜡烛和取暖用个柴炭铜钯,都包括在内。手下人员觉得掰能一点铜钯,实在勿够开销,但也勿敢违拗伊,只好辣舌尖上动脑筋,少吃荤菜、多吃米饭。海瑞晓得农民贫穷,伊到农村巡视,叫差人挑着菜和米一道走,自家开伙,勸当地官员接待,下面个贪官想拍马屁也拍勿进。

海瑞号刚峰,他严惩贪官,是名副其实个刚正勿阿,手段也蛮结棍个。伊个同事中有一位陈御史,经常让差人拿着“红票”

——一种官卡,到市场上去买米,只付市场价个一半铜钯。掰种做法当时很普遍,老百姓有气勿敢出。有一趟,陈御史又差人去买米,刚好掰家米店经理家里有个见过点世面个何秀才,伊认为勿合理,就拿了“红票”到都察院告状。海瑞接到状纸后非常光火,先拿买米个差人打三十大板,革去伊当差资格,再拿伊枷号辣陈御史办公个衙门前,以羞辱陈御史。陈御史再也勿敢用“红票”去打秋风了。

海瑞以73岁高龄故世于南京都察院右都御史任上。伊听没儿子,所以去世后,同事王用汲为伊办丧事,到伊房间里拉开抽屉一看,只见留下十几两银子,是伊个全部做官个积蓄,床上用个布做成个帐子,另外几样破烂个竹器家私,是当时贫寒文人也都勿用个,王御史禁勿住嚎啕大哭,几个同事凑铜钯为伊办了丧事。海瑞去世个消息传出,南京老百姓自发罢市悼念。海瑞个灵柩用船运回家乡时,穿着白衣戴着白帽个人站满两岸,哭拜个人百里勿断。陈御史听说海瑞家如此清贫后也说:“我勿再怨恨伊了。”

现在报上登个许多贪官,对比一下封建社会个清官海瑞,应挖个地洞钻下去才好。

闲话闲画

出窠兄弟、朋友道里

文 图/ 阿仁

北京人形容与自己从小辣一道白相、一同长大个好朋友为“发小”。依上海人个讲法,掰样子个朋友叫“出窠兄弟”。还是相当生动个,从一只窠里孵出来个、情同手足个朋友当然可以拜为兄弟。好像有点重男轻女,只有出窠兄弟,还听没听到过出窠姐妹。我个出窠兄弟里是有交关女同学个。阿拉是从一个小学里走出来个。学堂个旧名称是磐石私立小学,新校名是卢湾区重庆南路第二小学。简称,重二。经过半个多世纪个变迁,重二变成过中学,又变成过聋哑人学校。最后退出历史舞台,只有老个教育楼还矗立辣重庆路上。人去楼空了。出窠兄弟姐妹几十年里一直听没间断过联系。常常碰头个有十几个,重大节日可以聚起几十个。前一个重大节日是兄弟姐妹大家都60岁了。大家一道来吃生日蛋糕唱生日歌。上一个重大节日是相互之间已经认识60年了。也就是讲,大家跨进同一所小学一道读书有了一个甲子个岁月了。大家都活到67岁了。下一个重大节日是出窠兄弟姐妹一道来做70大寿。出席要胸佩官方派司,证件即是“老人卡”。最佳方案是去公交公司借一部拉卡机放在门口,进门请拉卡,机器响了方才可以登堂入室吃碗长寿面。

别人家最惊叹个是阿拉个小学同学会竟然可以集合起大半个班级。窍门是必须培养推举出一个联络副官“栾平栾副官”。伊要尽心尽力搜集情报绘制出一份联络图。啥人动迁了,啥人搬场了,啥人出国了,啥人还乡。还有叫人伤心个资讯——啥人走脱了。毕竟勿会人人都可以长命百岁个。我最怕麻烦、最怕记人



头。但我最习惯做督促大员。我年年岁岁督促栾副官、让伊勿敢有一丝偷懒个功夫。由此一旦吹响集合号,就是孵辣美国过日脚个同学也一定会飞回上海来。

走上社会结识个朋友,上海闲话称掰样个交往为“朋友道里”。一个人个一生会有交关关朋友道里。数量最多个朋友道里当然是同一单位里个同事了。大家8个钟头一道共事,关系勿会亚于家人亲戚。质量最高个朋友道里肯定是同过患难,甚至共过生死个同志了。上海人把掰样个生死之交称为可以割脱头片个朋友。有掰样朋友个人一定是经历过风风雨雨磨难、人生经历折腾曲折个脚色了。要是一生太平,无虑无愁,有一群出窠兄弟,有一堆朋友道里,掰也就是福气十足了。

沪语小考

“呜哩呜哩”

文 / 崎笔斐

老上海话,今已鲜闻。首义为含混勿清,例:伊一家头“呜哩呜哩”勿晓得辣讲点啥。何以首义为含混勿清?一说“呜哩”是芦笙声,“呜哩”是喷嚏声。“呜哩呜哩”即来自民间艺人为乡间红白喜事个吹吹打打声。因民间艺人大都勿专业,吹得含混,吹得马虎,为了要主人加钱还经常缠绕勿清。“呜哩呜哩”后亦作马马虎虎。例:“呜哩呜哩”么算了。还作稀里糊涂。例:中国队最后“呜哩呜哩”进了只球伊讲!又作缠绕勿清。例:掰小姑娘一日到夜“呜哩呜哩”,像牛皮糖一样缠头势啊,钞票又拨伊花得去了。简言之,“呜哩呜哩”个词义本身也蛮“呜哩吗哩”个。